



Մ Ա Հ
Տ. ԿԱՐԱՊԵՏ ԱՎԱԳ ՔԱՀԱՆԱ ՔԵԼԱՄՅԱՆԻ
(1919—1980)

1980 թ. հուլիսի 25-ին մահացավ Ծիրակի թեմի՝ Լեւինականի Ս. Աստվածածին (Յոթվերք) առաջնորդանիստ եկեղեցու հոգևոր հովիվ Տ. Կարապետ ավագ քհն. Քելամյանը:

Հանգուցյալը ծնվել է 1919 թ. Մուսա Լեւան Հաճի-Հաքերլի գյուղում, քահանայի ընտանիքում: Սովորել և ավարտել է տեղի ծխական դպրոցը և վաղ հասակից հաճախել գյուղի եկեղեցի՝ մասնակցելով ամենօրյա ծամերգություններին:

Պատանի Կարապետը (ավագանի անուն) 1935 թ. տեղափոխվում է Բեյրութ: 1946 թ. բազում հայրենադարձների հետ Կարապետ Քելամյանի ընտանիքը ևս ներգաղթում է մայր հայրենիք և մշտական բնակություն հաստատում Լեւինական քաղաքում:

1957 թ. մարտի 17-ին Մայր տաճարի լուսարարապետ Տ. Սահակ արքեպ. Տեր-Հովհաննիսյանից ձեռնադրվում է քահանա: Հանգուցյալը մինչև իր կյանքի վերջը ծառայում է Լեւինականի Ս. Աստվածածին եկեղեցում, որպես հոգևոր հովիվ:

Նա սիրված է եղել ինչպես իր հոտի, այնպես էլ Ծիրակի թեմի առաջնորդների, եկեղեցական խորհրդի ու քահանայից դասի կողմից:

Որպես գնահատանք իր երկարամյա ծառայության 1964 թվականից նա իրավունք է ստանում քահանայական լանջախաչ և 1971-ից ծաղկյա փիղոն կրելու:

1976 թ. Նորին Ս. Օծություն Տ. Տ. Վագգեն Ա կաթողիկոսը, գնահատելով Տ. Կարապետ քահանայի նվիրյալ ծառայությունը,



և, նրան շնորհում է ավագության պատիվ: Հանգուցյալի վերջին օծումը կատարվում է Լեւինականի Ս. Աստվածածին եկեղեցում հուլիսի 27-ին, կիրակի օրը՝ ձեռամբ Ծիրակի թեմի առաջնորդ Տ. Նարեկ եպս. Ծաքարյանի:

Հանգի՛ստ տեղ հոր ոսկորներին: